

choR inteR kultuR – «ün chor es amo daplü co be musica»

DA FLAVIA HOBI

■ **Alina Müller è manadra da project dal choR inteR kultuR «2018 Lettland – singendes Land». Nus da las «vuschs giuvnas» avain tschentà ad ella in pèr dumondas per survegnir in'invista en lur lavur.** Sin la dumonda tge ch'animescha Alina da sorprender quest'incumbensa menziuna ella l'ocasiun da pudair dar in sguard en in mund e da pudair scuvrir in pajais ch'ella n'avev uschiglio probablmain mai mess sin lur glista da viadis. Ses pensum consista en emprima lingia ord chaussas organisatoricas. Vul dir prender encunter las annunzias, organisar il viadi a Riga, respunder a dumondas. «Aint in meis chau stuvess esser plü o main l'inter concept organisatoric. Eu stuvess savair cura chi's fa che, cun chi. Ma natüralmaing survegna grond sustegn dal dirigent *Fortunat Frölich* chi ha fundà il «choR inteR kultuR».

Pertutgant lur experientschas cun chors raquinta Alina da lur «cuortissima carriera i'l Kanti-Chor» en la scola chantunala a Cuira ch'ella ha dentant bandu-

nà suenter trais mais, quasi illegal. Sco chasti ha ella lura gè da gidar durant ch'il Kanti-Chor aveva ses concerts finals la fin da l'onn. Là fascheva ella in pau tecnica, bajegiar si, bajegiar giu, metter si sutgas, metter davent quellas, lavurar vi da la cassa – quai per numnar in pèr da questas lavurs. «La n'haja badà cha la lavur davo las culissas d'ün chor am fan insè schon amo plaschair.» Suenter ha ella lura tuttina visità il chor rumantsch da la scola chantunala e chantà en quel durant dus onns. Era sche Alina è da l'opiniun che lur sora haja survegnì tut il talent musical en famiglia renda ella attent ch'in chor è dapli che be musica. «I va eir per la cumünanza ed eu crai chi giaja specialmaing pro choR inteR kultuR eir per toleranza e per scuvrir ün muond chi nu't vess uschena mai muossà.»

Alina spetga in bel onn cun glied interessante e buna musica. Il pli fitg sa legra ella sin il viadi a Riga ed ils concerts finals. E per il cas ch'insatgi ha anc interess da sa participar na duess el betg tardivar, mabain: «Call Alina!»



Melodias svizas e lettonas durant l'emprima prova cun il dirigent Fortunat Frölich. MAD

Il project «2018 Lettland – singendes Land»

Mintga segund Letton chanta en in chor, chantar s'auda quasi tar l'identitad naziunala da la Lettonia. E mintga tschintg onns ha lieu ina gronda festa da chant cun 20 000 Lettons che chantan a la uschenunada Song and Dance Celebration. La proxima festa da chant ha lieu 2018, pli exact ils 30-6 fin ils 9-7-2018, dentant na pon ils chors da l'exte-

riur betg prender part activamain. Il choR inteR kultuR sut la direziun da Fortunat Frölich vegn a sa participar sco giast durant quest'emna da festa a Riga cun in concert communabel ensemen cun BALSIS, in chor giuvenil letton.

Dapli infurmaziuns tar il project, las provas u il viadi a Riga chatt'ins sut www.chorinterkultur.com